



The Carnival Care
Company

Benzo Burnout Blocker® 1000 mg

**Achtig: Wenn das yynimsch, kenntsche glatte Dyssi wärde.
98 Überdosis / Dragées zum reggtal Yyfiehre**

1. Lesen Sie die gesamte Packungsbeilage sorgfältig durch, bevor Sie mit der Anwendung dieses Arzneimittels beginnen.
2. Heben Sie die Packungsbeilage auf. Vielleicht möchten Sie diese später nochmals lesen.

Brozac Bebbi Basel (Stammzälle) 2011

Sujet: Burnout d Grangget vo den Iberflieger

www.baslerbebbi.ch

Diagnose: Burnout

Burnout! Burnout! So heersch s Gschrey –
Burnout! griegsch nit undre Disch
Burnout! Burnout! Machts Di frey? –
Burnout griegsch nit - Burnout bisch!

3. Wenden Sie sich bitte an Ihren Arzt, falls Sie Fragen dazu haben.

Du fyylsch Di duurhaft negativ,
seer unruehig, gstresst und au erschepft.
Di Libido isch rezessiv
und Dyni Wärt hets Dir verglepft.

4. Bei Patienten, die unter Depression leiden, sind Selbstmordgedanken nichts Ungewöhnliches.

Di Würde, Gaischt und au dr Wille
befinde sich im freye Fall.
De fäggsch mit gfyhlte 5 Promille
und 180 in e Wall.

5. Es gibt keine nachgewiesene Wechselwirkung von Bebbi Benzo Börnern und Alkohol.

Kai Liechtli gseesch, de bisch im Loch.
S isch alles hoffnigsloos und dumpf.
E Burnout isch e schlagend Joch
und d Gfyylswält isch e stumpfe Sumpf.

6. Das Risiko von Nebenwirkungen wie Selbstmordversuch, Selbstmordgedanken und Feindseligkeit ist für Patienten unter 18 Jahren höher.

Dr ainzig Droscht, wo hälfe duet
isch d Gwissheit: Bisch zwar us de Fuege,
doch andri hänn au nit dr Muet,
in glaade Lauf vom Sturmgeuer z luege.

7. Sie sind selbst verantwortlich dafür einzuschätzen, ob sie in der Lage sind, ein Kraftfahrzeug zu führen.

S isch schyter – wie wyter? Pille danach!

Pille frässe - wyter mache,
gottseidangg, oh heil Dir Pharma!
Zuedreehnt losst sich seelig lache,
d Pharma git Dir wider Karma.

8. Die langfristigen Effekte hinsichtlich Wachstum, Reife und Verhaltensentwicklung sind in Bezug auf Kinder und Jugendliche noch nicht untersucht worden.

Benzo, Prozac wärde d Syyle,
wo Di knapp dur s Lääbe draage
und Di leen als Macho fyyle.
Nur, d Potänz, die duet versaage.

9. Bei Männern können Probleme mit verzögerter Ejakulation oder Erektionsprobleme auftreten.

E Burnout spyysch au in de Lände,
respegktiv: De spyysch En nimm.
Heil Pharma ka au das Blatt wände:
Viagra hoch! S isch nimm so schlimm.

10. Bei Frauen eine verminderte sexuelle Lust und Schwierigkeiten, einen Orgasmus zu bekommen.

De griegsch zwar, sag Dir im Verdraue,
d Nääbewirgigg, s zuggt, duet tigge.
Doch, was sells, es liebe d Fraue,
wenn me hemmigslos ka strigge.

11. Probleme beim Wasserlassen

Und yynestäche ummeschloh –
E Burnout ändet halt eso.

12. Halluzinationen, Manie, Verwirrtheit, starke Ruhelosigkeit, Angst, Realitätsverlust, Panikattacken, Nervosität

Burnout – d Grangget vo de Sygger?

Burnout griegsch fir Gottes Loon –
mit Burnout kasch geil iberborde.
Burnout gheert zem guete Doon –
Burnout isch zem Lifestyle worde.

13. Wird die Behandlung plötzlich abgebrochen, können Entzugserscheinungen wie Schwindel, Übelkeit und Kopfschmerzen auftreten.

E Hochkultur goot langsam unter,
wird d Psyche immer als wie schyter.
Die Grangge straale drotzdäm munter
und lyde freelig usbrennt wyter.

14. Wenden Sie sich an ein Giftinformationszentrum, wenn Sie eine zu hohe Dosis des Medikaments eingenommen haben.

Therapiere, lamentiere,
de griegsch d Lizänz zem ewig Falle
d Paralyse uszbrobiere,
und d Gsellschaft duets sich derby gfall.

15. Die Behandlungsdauer ist von Person zu Person verschieden.

Jede Promi het au Burnout,
d Medie brichte die Trageedie.
Jä wär isch do derby versaut?
Dr Grangg, sy Voyeur oder d Medie?

16. Eine Langzeittherapie kann zu kognitiven Defiziten führen.

D Gsellschaft isch kontaminiert.
Kasch Di leese, denn wirsch frey!
Es gwinnt, wär sich emanzipiert.
Better burn out - than fade away!

